

遊子房山記

王思任

乘傳過彭城賦收裁其絳力舟膠焉不得行童僕恚甚而予輒醉之酒笑謂我子房也阨當在此明日登子房山也會同年汪廷尉至共之山祠子房或曰子房曾隱此不甚稜然可以悉彭彭天下之中也禹貢惟土五色威斗賦之其有中思乎母謂癡人心不大也廷尉曰洶洶而降者懸水村也被髮丈夫與濟俱入與泊俱出蹈有道乎曰道無所不有也天下之大敢者必起於大不敢被髮丈夫師陸終氏之子也陸終氏之子觀井而覆之以輪背樹而猶繩繫之也子房之事不成於滄海之沙中而成於黃石之岬下也試徘徊四顧桓山之愚也泗水之誕也戲道藏輯要

天下名山記  
江南子房王

三

軫集二  
川七

馬臺之縱也亞夫之癡也皆不善於敢者也雍門之彈也陵母之剽也迷劉村之走也舞陽之排闥而九里之歌也皆善於不敢者也廷尉曰何知有敢不敢得者爲敢矣予舌橋而不能下嗟乎悲彭城悲彭城興亡陳迹可以嘆盡乎有有心人焉東望而得劍臺則心許在前者也西望而得燕子樓則心許在後者也請共到黃樓告之大蘇亦足以爲彭城概矣